

'Angen cydnabod problemau iechyd meddwl pobl ddall' : BBC Cymru Fyw

Rhaid gwella'r ymwybyddiaeth o broblemau iechyd meddwl ymhlith pobl ddall, yn ôl Elin Williams o Ddyffryn Conwy, sy'n raddol wedi bod yn colli ei golwg ers yn chwech oed.



Mae ystadegau'n dangos bod pedwar o bob 10 person sydd â nam ar eu golwg yn dangos symptomau o [iselder](#).

Dywedodd Elin ei bod wedi delio â [gorbryder](#) ers yn ifanc, a bod hynny wedi gwaethygu trwy ei chyfnod yn yr ysgol.

"O'n i'n teimlo'n wahanol ar adegau, yn enwedig am 'mod i'n gorfod gwneud gwaith trwy braille ac yn defnyddio ffon wen.

Mi oedd o lot gwaeth pan o'n i yn yr ysgol, yn y chweched ddosbarth yn enwedig. Pan o'n i'n cerdded mewn i ystafell do'n i methu gweld pwy oedd yno neu lle i fynd i eistedd. O'n i ar fy mhen fy hun lot o'r amser a'n teimlo'n unig ac yn wahanol i bawb arall."

Yn ôl elusen yr RNIB dim ond 17% o bobl sydd â nam ar eu golwg sy'n cael cynnig cymorth emosiynol.

Darllen rhagor : BBC Cymru Fyw

- [BLOG: Effaith nam golwg ar fy iechyd meddwl – Elin Williams](#)
- [ERTHYGL: 'Mwy angen blogio i gadw iechyd meddwl iach' – Elin Williams \(BBC Cymru Fyw\)](#)